

律

玉堂餘興卷之三

菩薩蠻 送呂涇野之南都

長安郭
振聲
詩
卷
三

借問誰為有道者我識關中呂涇野何必羨
魁倫當知第一人文章由道義談笑含經濟且
醉石頭城大江門外橫

又

從前歲月如流水一生紫闥彤闈裏暮上復朝
朝玉階金水橋青天眉月偃左掖歸來晚夜
夜故園情夢回聞漏聲

浣溪沙 答序翁惠鱗

瀛海波瀲秋氣清白沙如雪夜盈上月明紫蟬
陣橫行春甕酒初浮綠蟻小亭景已到香橙
百枚遺贈謝高情

又暮入簷事府訪崔後渠學士

記得當時過鄴城後渠亭上漫題名萬竿修竹
透簷楹一字不曾通政府十年始得見先生
玉堂相對有餘情

又

玉署春坊樹影重御溝流水岸西東也須看個
後渠翁風細層軒修竹裏雨涼深綠槐中黃

黃昏來訪語匆匆

壽仙翁賀序翁誕辰

鴛黃染柳海棠紅透恰纔過禁煙時候雲擁沙
堤見輪蹄馳驟來祝相公眉壽薇圃新移花
鳥正宜春晝日日把笙歌送酒玉帶麟袍勲業
三朝舊此福人間希有

又

今朝春酒爲公祝壽猶道是相逢淮右紫閣黃
扉忝竊夔龍後青鬢而今難又屈指乾坤幾
箇太平者且一任丹心白首願把忠貞報答

明明后千載一時那有

迎春樂 人日閣中對序翁小酌

人日今年風日好彤雲覆龍樓曉望春旗影逐
東風裊鳴玉珮瞻天表 黃扉紫閣層城遠擁
宮袍玉尊傾倒此地是神仙更何處尋蓬島

玉樓春 巳亥秋日賀未齋閣老新拜麟袍之賜

霖雨堂城增氣象麟袍 勅賜來天上共羨龍

頭老狀元雅稱鳳池真宰相 鸚鵡着處大瞻

仰衣被新恩誇浩蕩更看高閣畫儀形要使蒼

生諧屬望

風入松 峇翁

綠牕午枕睡初酣夢喜脫朝簪覺來猶是長安

客垂楊裏空繫歸驂戀 主身依曉闕恩親淚

灑春杉 玉河流水碧於藍花外燕呢喃新詞

一曲憑誰和泥封罷親手題緘試待天邊鴻雁

秋風寄與江南

桂枝香 送費鍾石少南都次荆公韻

長空極目見幾度冥鴻南飛肅肅劇想鍾陵山

色烟霞如簇石頭城外長江水趁西風亂帆遙

轟楊柳秦淮蒹葭鷺渚舊游未足 念十載紅

塵馳逐歎松菊幽盟易寒難續白髮盈巾總爲
是非榮辱桂樹洲邊薌水畔但芳草年年增綠
何時携手歸釣冰溪一曲

水龍吟

次辛稼軒韻賀未
齋閣老霖雨堂成

文章獨占龍頭當年已識絲綸手身歷三朝
官登極品當今耆舊晚入黃扉平生青眼相看
白首喜長安霖雨堂成道神仙宰相人知否
甲第高連北斗又何必錦袍明畫畫寢凝香朱
門列戟紫衣奔走燈火樓臺笙歌院落年年春
酒庇蒼生更作萬間廣廈爲相公壽

又

夜宴未齋宅賞座中牡丹再次前韻

名花坐對嫣然王盃滿泛休停手相府風光
帝城春色可入依舊真是天香堪稱國色群芳
魁首喜夜深銀燭高燒問紅粧艷質曾如否
簷外漸移星斗况今日月明如畫雀錦屏開麟
袍座列朱衣庭走占斷人間梨園法曲黃封御
酒頭年七共賞霖雨堂中放歌爲壽

賀聖朝影

東李蒲汀約飲碧山樓

東鄰學士正青春脫風塵碧山終日坐朝昏足
足閒身 秋風吹散西山雨華新葡萄架底醉

醺也共何人

碧空月祠壽周泉坡司寇六十

漢庭真老吏中臺舊豸冠威儀風節重朝端自
是廟堂噐宇足人看 鬢帶星也白胸藏炳炳
丹六旬壽酒醉長安正值碧空霜月淨團也

玉帶花 寄南京楊四泉光祿

昔日少年今漸老追憶舊遊而今誰得朱雀橋
邊烏衣巷口前朝舊宅秦淮畔走馬聽鶯幾醉
笙歌月 二十七年渾似夢塵土風波儘曾經
歷盡省黃扉但碌也無庸枉教頭白江左故人

時寄我錦箋盈尺却憐幾箇同心又隔天南北

念奴嬌 次山谷韻人日答李蒲汀

東風忽到問天涯芳草漸生新綠白髮又添人
一歲何日向平願足晏下彤闈明登紫閣謾衣
朱腰玉何如畫舫春江滿載醺醪 帝城迤邐
風光寶樓西畔淡月籠高木點檢燈前十年事
此夜一杯誰屬入歲占雲經冬望雲倚遍危欄
曲朝陽彩鳳幾時飛上庭竹

又答蒲汀冬日之作

朔風一夜攪霜空丹却千林寒綠簾捲碧山樓

閣靜鎮日看山未足我羨高人蕭然林洞鶴骨
清如玉園收芋栗擁爐時瀉醪醕 嚴冬物色
荒涼欹枕蕭上落盡燕山木長憶東鄰閒學士
那得一尊相屬病起揮毫朝回隱几漫寫江南
曲柴門溪上猶鎖萬竿修竹

踏莎行 答李蒲汀賀

賜騎馬禁中

太素原頭廣寒山後平沙堤畔雕鞍驟宮監傳
宣下御墀奚官控引來天厩 玉帶螭盤緋袍
蟒繡封章日對 天顏奏君臣相遇古來難唐

虞千載今方又

大江東去 次東坡韻答蒲汀送蟹

秋意滿前正啣杯又見江鄉風物同巷高人應
念我伏枕蕭條四壁許大憂懷無邊歸思熬斷
鬢鬢雪自憐迂叟豈堪相伴朝傑 去歲今辰
想尊羨鱸膾高興徒餐幾度長空南望盡鴈字
千行明滅覽鏡堪悲壯顏非舊禿盡衝冠髮危
樓昨夜坐到西巖墮月

又答蒲汀惠水晶葡萄

小坐秋軒謝蒲翁遺贈名園佳物自啓筠籠喚

纖手携置麟堂東壁碧水含日
如繁星煥彩寒映
冰盤雪如珠似玉果中應是
地傑 總憶年時
味葡萄一舛新詞三發幾對
只花烹紫蠟又悟
世間生滅漢閣丹青商山杖
屨畢竟俱華髮清
尊架底且醉藤蘿夜月

又再疊前韻答蒲 雙詞

水落蕪葭白露冷長養橫行之物夜雨陳燈照
蝸涎曉起枯黏滿壁物色堪嗟人情可慨愁髮
添新雪飄然霞外神仙真是豪傑 故園酒熟
雞肥相對青山有約黃花發但得天恩容拂袖
眼底風波自滅寵辱間驚是非妄惱曾次無毫
髮寸心皎皎爭光天上秋月

右二詞壬寅六月二十日作此時待

罪閉門有憂讒懷隱之悰焉

又再答蒲汀水晶葡萄之咏

水晶宮裏撒明珠散作園林珍物恍若老龍行
雨罷倦臥藤軒西壁影亂潭星光分海月清映
瑤峯雪碧山樓下主人真是人傑 摘來玉乳
纍纍把贈題絨每爲比鄰發况復年年勞賦咏
滿紙墨華明滅丘壑情深江湖憂在相對驚鬢

髮如公經濟未許平章風月

又和答張陽峯宗伯寄賀辛丑初度之作

衡嶽湘川產名公真是玉堂人物紫禁彤庭携
手舊何日同遊赤壁鏡裏朱顏花前青鬢又早
巾中雪非才宜退匡時賴有英傑 自從身入
黃扉仰慚白日歸興時時發彩筆新詞勞遠寄
滿紙雲煙明滅花甲初週世途飽歷長吟空搔
髮鍾陵南望故人千里明月

蝶戀花

次李蒲汀秋日之作

高樓半餉看雲睡枕簟涼生不覺西風至屈指

明年六十二巾中白髮先秋墜 造物小兒真
劇戲反覆無端堪笑人間事履險從來吾有備
安身只是心無累

減字木蘭花

贈少司馬費鍾石考滿

侍郎六載南北分衙半江海先任南京晚向兵

曹暫輟三長試六韜 兼資文武自古人才堪

指數莫厭官遲千載明良此一時

喜遷鶯

送汪東峯中丞巡撫江西

冠峩豸角暫坐輟中臺行臨方岳虹井煙霞東
峯花鳥江海十年離索青瑣 先朝交契白首

此時歡謔對尊酒正櫪馬初喧驪歌又作拋
却念今日處處民窮不見閭閻樂洗滌創痍挽
回醇俗須仗大賢經畧鐵柱浮淵舊夢畫棟飛
雲高閣大江畔恐節鉞難淹廟堂有約

綺羅香

賀答蒲汀賞盆荷

雨過盆池風吹荷葉絕勝銀塘幽意幾朵仙葩
綽約楊家姊妹鬪紅妝映水朱妍洗素容凌波
玉膩小亭中琥珀杯濃相看不覺同花醉却
羨東鄰老子散髮碧山樓頓添芳思自譜新詞
一曲與花爭媚恐西風容易驚秋對南薰咲歌

休棄况光陰暮景如馳只索牢牽轡

沁園春

辛丑十月一日

西苑紀興東

石門嚴介谿成國公京山侯四公

仁壽宮前幽風亭畔

帝社壇東正晴日高

天煙銷霧歛遠山秋水擁翠涵空玉帶金貂麟
袍繡蟒只尺丹霄扈六龍鎮日裏玳瑁羞絡繹
天語從容底須駕鶴崆峒又何必尋仙海上
峰念際會風雲身都将相一時文武總是英雄
媿我迂踈豈堪疇伍自分長辭紫閣中却誰料
今朝一咲還共諸公

少年遊 壬寅端午東李蒲汀二首

蒲汎金觴黍包玉粒節序又端陽
草閣臨流龍舟競渡幾度夢江鄉
却咲衰翁長卧病猶自戀朝行
經國無能君恩未許終日費思量

又

多謝山翁園收瓜豆餽我過端陽
飯煮香粳酒斟浮蟻風物似吾鄉
無奈感時添客慮欲語向誰行
入閣平明揮毫盡日心口自思量

玉堂餘興卷之三終

玉堂餘興卷之四

水調歌頭

贈俞舜臣憲副赴南贛

戲彩南衙日篝燈北郭年回首富春山色幾度
夢依然記得長安走馬携手瓊林歸醉又隔廿
年前却慚黃閣老相對柏臺賢念交承論往
昔重驚憐莫憚驅馳波嶺豸繡映青天久識外
臺風采行覩中丞節鉞開府大江邊甘霖滋大
旱巨楫濟長川

沁園春

留題費漸齋清湖新居

問訊溪山好秋風裏何處登臨愛清湖新築天

然融結眼中佳勝不讓橫林樓起青雲堂連綠
野籬巷斜通碧樹陰最難得重湖沙繞隔嶺潭
深 門前幾箇青岑合每日開窓對酒吟况隱
隱花原從人借問蕭七竹逕許客相尋我勸先
生多栽楊柳遍插芙蓉夾水潯更須買青娥畫
舫莫吝黃金

又送內弟詹瑩南還

二十年前恍然如昨初過君家愛門對青山橋
橫綠水一川喬木數里煙霞白髮而翁紅顏阿
姊予亦青衫髮似鴉到而今追尋往事何限堪

嗟 京塵荏苒年華但明發趨朝暮放衙謾玉
帶麟袍彤闈紫閣門施長戟路擁新沙桑梓關
心風波激目安得山巔與水涯揮彩毫寫新詞
一曲相送歸槎

又二首 鉛山港口別方思道

千里故人一尊江上笑口同開念毛塢新巢夢
魂空到麓堂舊約舟楫仍迴驄馬南行彤扉北
望戀關心懸碧水隈清宵立見中天奎壁光動
三台 如公海內名魁有七步風流八斗才况
此日詞林真堪妙選他年麟閣預卜先階沙燕

留人潭花送客把手高歌一快哉蒼生望好大
施霖雨遍沃蒿萊

又

春日相逢春山如畫不共登臨想象麓新堂堂
花舊館池生碧草鶯語空林剪燭蓬窓振衣野
岸中夜徘徊碧樹陰忘情處任朱絃調古綠酒
杯深何須萬壑千岑記明月孤帆此夜吟念
行李蕭蕭驅馳北上仙槎汎汎迢遞南尋報
主關情憂時改鬢漫結心盟碧水潯百年裏看
雙龍寶劍不負千金

又

送仰峯劉侍御赴福建僉憲

白日青天繡衣驄馬歸自錢塘正快覩中臺法
星明潤忽看南徼憲節廻翔碧海三山武夷九
曲迢遞風煙接故鄉憐君處仙帆秋水那得相
將嗟予素食朝堂畏滿目波濤日夜狂念相
業無成鬢毛先老君恩未報身世都忘按轡
觀風停車問俗好爲閭閻作主張秋空裏尚遠
瞻鵬鸞橫擊豺狼

又

送吳山泉赴山東憲副

寶帶垂金鐵冠我豸玉節東行正木落關山霜

青海岱送君尊酒無限離情燈火東泉風雲北
闕青鬢相看白髮生向天涯念同袍有幾又隔
春明 人間青史功名難得是明良共太平計
老我此身當年許國受知 聖主敢愛餘齡一
道風霜萬家霖雨洗耳閭閻起頌聲思君處望
樓臺蜃結鷗鶚秋橫

又 送李龍洲侍御巡按江西

兩岸垂楊一灣芳草深護龍洲想夜雨當年主
人雲臥雷門春水忽占鰲頭白簡凝霜鐵冠裁
豸十載登朝侍 冕旒人爭避美行行驄馬按

部洪州 大江章貢交流有捲雨飛雲帝子樓
看霜雪威稜 豺狼遁野雲霄風力雕鷗橫秋
白首懷鄉丹心戀 闕客夢時已到舊丘煩君
去把窮簷民瘼仔細咨諏

又 送葉本仁作教合肥

道院寒燈儒宮夜榻猶記髫年念京第相逢堪
驚歲月都亭分手又隔風煙烏帽新籠白袍初
搵吳厭青匕座上氈廬江畔有門墻可愛桃李
爭妍 看君潘鬢依然羨腹笥藏經不讓邊嘆
少日雲霄霜蹄踏踏暮年江海雲翻踰躔老我

非才際時何幸多病偏蒙

聖主憐鳳池裏正遲迴戀 闕惆悵歸田

又送歐懋直憲副之任浙江

節操冰清丰標玉立名重司空正江左分曹統
歸省署浙西持憲更理兵戎約束諸君按行五
郡秋水樓船七里隴最喜是鄉閩入望民俗相
通 富春山色龍從念昭德新詞夢寐中但有
疏辭天君恩未許無由縮地仙舫難從酒醒長
安夢回海嶠日送雲鴻萬里風歸朝早雙龍闕
下一咲還同

減字木蘭花

送陶侍御竟峯按滇南

行行且止驄馬人看真御史勁翮凌空一鷲秋
橫萬里風 昆明池上春日旌旗同大將太華
峯頭醉後曾將翰墨留

又東費民悅二首

玄寧觀裏月戶雲窓終日閑幾度相望白玉河
橋一水長 病餘獨坐自譜新詞還自和懷抱
誰開薄暮須君策馬來

又

詞鋒朗健月川信是吾宗彥博雅清修君是方

今第一流 文章論議有意求名終小技此道
難傳不是英雄不聖賢

又送林州同利升小泉之弟

郎君好去扁舟一帶平川路直到灣頭過却揚
州是秦州 泉山公後兄弟青雲七八兄長見
司空道爾高才有父風

又寄胡浦南方伯

大江西望紫薇樓在星辰上方伯才雄知是雲
閣陸士龍 山明水麗寶閣瓊堂新
賜第鄉國歸心何日遙禁榮戟臨

又送楊郎中克實謫官

翩然飛去黃鵠自有冲霄閣貝錦何妨人識天
孫雲錦章 世情非古廊廟江湖心共苦憑仗
忠貞要使蒼生見太平

又贈楊正郎儀陞霸州兵備副使

勸君且去霸州豈是君居處可惜文儒却使提
兵盜賊區 人情風雨不合當年曾薦汝聞說
辭官休負平生一寸丹

又送林員外應亮

文淵閣裏制草才雄長羨子少谷堂東出語曾

驚四座中 南宮吏隱白日還鄉誇畫錦北闕
儒英合把文章答 聖明

木蘭花令

嘉靖戊戌京邸東堂新成
費即民悅吳郎以客唐田時
臣二弟夜酌

東堂四月蕭七雨熟盡黃梅金滿樹長安今夕
酒闌時故國他年夢回處 骨肉一家相對語
試把前修屈指數事業還須努力成光陰莫遣
虛拋去

滿庭芳

賀尹恒溪太守罷本省叅政

水玉溪山煙霞城郭白雲曉簇黃堂皇華亭畔

綠水帶浮梁共道賢明太守真國器風節文章
下車來桑麻遍野絃誦滿江鄉 古人誰得似
龔為渤海堪在漁陽覽從前青史何負循良一
郡難淹驥足冲霄漢自屬鸞鳳遙瞻均玉紫微棧
下添得個仙郎

大江東去

贈謝侍御少溪按江西

鐵豸我冠真御史不負清朝人物標格冰壺涵
玉樹文采上騰奎壁驄馬巡行動搖山岳長夏
飛霜雪大江西望山川偏稱英傑 獨憐紫戟
遙臨明年秋日桂窟天香發坐使英才都入彀

列郡氛塵銷滅老我非才媿調商鼎漫握周公
髮玉堂盃酒送君相對明月

鳳凰臺上憶吹簫送江陰高少參彝穆
天末涼風蕪葭秋水歸人獨上蘭舟正長空雨
霽殘暑全收遙想澄江如練碧山堂水竹深幽
堪乘興觀瀾小閣曲枕書樓難留冥鴻天遠
厭長安塵土不似滄洲有大觀亭子海濶雲浮
惟念故人千里同明月相望夷猶知音少如公
有幾大雅風流

鳳樓梧

壽母舅直齋先生

七十高年古稀有白髮烏紗林下安閒又黃閣
老甥來上壽一尊

勅賜長春酒屋角西山青雨後初度華筵稱
新秋候南極一星朝北斗朱顏千歲仍依舊

瑞鶴仙

壽序菴乃岳東峯何翁八十

正高秋極目愛東峯曉日芙蓉矗七萬疊煙霞
簇指仙翁家住洞天巖谷童顏鶴骨恣瀟灑茂
林修竹更閒來掃石焚香一炷彈琴數曲佳
辰纔過中秋月輪猶照金尊華屋向平願足那
羨紆朱腰玉喜婆婆過八十年光見盡是非

榮辱顧從今難老占却人間五福

漁家傲 題童指揮松灣別墅

松灣一曲千峯抱葛陽溪上多芳草茅屋松陰
深窈窕無人到松花落盡何曾掃 我愛長松
棲白鳥青山何日歸來早一枕松風堪自老相
尋好也須忘却長安道

又 送庚午同年李晉卿令宜興戊戌年

二十九年如一夢鹿鳴筵上笙歌動今日長安
尊酒共遙相送行春好醉張公洞 但得問關
無疾痛莫嫌杖棘棲鸞鳳自古循良非小用須

珍重他時為作甘棠頌

又 送蘇舜澤副使提學江右

鐵筆我冠袍繡豸雲中上黨威明在紫綬綰章
金作帶增氣槩文星一點分江介 顧我非才
官鼎鼎勲業無成容鬢改後學晚生今有願期
遠大須君着眼驪黃外

漁家傲 送吳龍津給舍擢江西少參時

龍津使朝鮮初回云彼國有夢

妙年青瑣才名動朝陽正爾看鳴鳳萬里親將
節捧勞傳誦東夷聞有尚書夢奉使歸來 明

主重福星又遣臨章貢樓下紫薇花滿涸羣仙
共清詞一曲遙相送

菩薩蠻

贈趙南濱二守

寶劍藏鋒真國器三晉當年曾攬轡驄馬避行
行中朝聞直聲 謫官頭未白好作江南客且
莫歎窮途功名屬丈夫

又送聞人副使銓之湘南

昨夜都門新過雨秋水秋風生潞渚有客正南
行圖書畫舫輕 文昌連執法芒采光如月路
色近衡陽思君湘水長

浣溪沙送皇甫員外謫官

三十年前夢竹樓楚雲湘水憶黃州天涯今日
送君遊 漫道賈生年最少不應王粲獨悲秋
江湖難解范公憂

又送費推官之潁南

莫厭西南道路長丈夫膂力正方剛之官仍買
過家航 桂嶺春烟籠橡榭鷺溪秋水浸桃柳
憐君青鬢坐黃堂

又送王石沙侍御按閩

白石青沙海嶼連吳門秋月映娟娟美人家住

太湖邊 潞渚波光涵日月慢停峯影浸風煙
豕袍畫舫羨登仙

又 送裴懋中令永安

昔日少年今老翁長安花下一尊同不堪分手
又匆匕 我欲歸來尋舊隱有誰相伴卧雲松
憐君作宰萬山中

又 寄汪得之憲副

當年揮翰鳳凰池青瑣翱翔又一時憐君江海
獨棲遜 虹井卧龍今作雨方塘野鶴少人知
憐君寄我送兄詩

又 送唐罕牧之武寧

鳥趨丹陛御爐邊鵠立橋門壁水前十年京國
共稱賢 單父琴清廬阜月河陽花滿大江煙
幾時飛鳥早朝天

法曲獻仙音 壽楊給事中母七十

籬菊苞金井梧鳴玉江影靜涵新鴈暑退高堂
涼生廣榭畫閣書開清宴共報道寶婺星中夜
光璀璨天南現 太安人鶴髮朱顏酌春酒遊
膝孫曾歡戀七十生辰見青瑣賢郎貴顯丹桂
五枝比燕山未應多羨揮玉堂彩筆賦得仙音

遙獻

憶舊遊

送同安邵主簿藻川

記石佛巖前烏龍山下王氏新庄柴門臨水曲
有一林修竹數畝池塘幾共蕭_七夜雨坐對短
檠光歎如流歲月從頭屈指四十經霜 相望
念先公有遺祠尚在往事堪傷惜藻川舊學試
同安一簿白首為郎却媿紆朱拖玉素食坐巖
廊愛富春山色桐江煙水近吾鄉

蝶戀花

送族弟臣赴廣德守

樓前楊柳雨初晴長河新水平南風五月彩舟

輕天涯送爾行揚子渡石頭城大江天際橫
萋_七芳草不勝情遙天一鴈鳴

越溪春

送吳少參龍津乃尊院使公還

陽谷仙翁滄海客踪跡滿天涯御榻當年曾入
夢賜袍帶名動京華白首辭官青雲有子拂袖
還家天風吹上星槎春日別煙霞金尊銀燭
長安夕玉堂裏坐對簷花我欲買田陽羨與翁
同煉丹砂

又

送楊憲副景周南還

紫袍金帶歸來早高卧舊江鄉羨汝東溪溪水

上風烟好喬木蒼七隔斷紅塵坐移白日一曲
滄浪長安數載相望秋日送歸航我欲留君
君不住故園遠鄉話偏長無限青山懷抱空慚
白首岩廊

錦堂春

次未齋送陸侍御珣便道壽母

臘日慈顏初度繡衣北闕馳情鳳凰臺下烟花
簇計是過家程鶴髮鴛章日映錦堂綠酒春
生霜毫寫罷江南曲紫閣正平明

千秋歲

賀漸齋生辰

西山雨後枕簟新涼透華月滿空如白晝錦堂

明絳蠟瑞靄飄金獸聽金縷千秋一曲為公壽
六七丈夫兒不數燕山竇長安夜金朝酒莫
惜醉如泥杯到休停手如公少人間五福兼而
有

一

又壽費民悅母孺人

南山秋老黃菊都開了節近重陽天氣好金尊
浮綠蟻玉鼎薰龍腦蟠桃熟西池王母來青鳥
丹桂兩枝芳蘭茁靈芽早稱家兒真國寶共
羨太夫人福履人間少宴蓬萊海山上扶桑
曉

行香子 各揚正郎儀惠古今詞抄

獨坐燈前清興翛然覽新詞盡是遺編風流谷
老豪宕坡仙竄愛他氣格高辭鋒健意機圓
太白臨川一代稱賢歐陽子千古爭妍詞場三
昧妙理難傳真個是下詩壇入畫品出文筌

南山壽賀吳山東憲副六十

望南躔一星光映三階有仙翁紫袍金帶佳辰
海上筵開數流年纔周花甲論風采獨步霜臺
晚歲功名諸郎科第占却人間五福借暹瞻祝
青天岱岳翁壽並崔巍還歌詠日升川至山存

臺萊

羨吾鄉蘇山甘水鍾靈輦出奇材念當

年東山燈火幸此日

北闕風雷契重金蘭情

深葭王廊廟江湖共此懷念同庚初度與翁不
得共啣杯竹看取喬遷赴闕 丹詔飛來

萬年歡 二首和荅白下史恭甫慶子六

十之作

昨夜西堂見南斗光中文昌輝映晚塔泥緘錦
軸瑤篇稱慶念子清才誰並真江左詩仙草聖
惜壯年早輟經綸慚愧調元造命 託根自正
原不比和露天桃倚雲紅杏傲雪青松獨立煙

霞僻境千里同聲相應况高誼此時堪敬寄心
期玉女峯前約訪孤山和靖

又

千古高情爰王氏堂槐陶公門柳說甚補天扶
日祇憑赤手廿載龍顏左右嗟綠髮而今白
首喜年華花甲纔周正是還山時候勲名何
有看世間幾個詩人也堪不朽留取精神做個
太平迂叟春酒年已為壽旋采摘野肴山藪更
浩歌一曲滄浪長與溪翁為偶
玉堂餘吳卷之四終

玉堂餘吳卷之四終

程